



望雲館詩稿

鄧章 盞采南箸

胞弟整渠卿編次

會稽孫德祖彥清

校勘

慈谿馮一梅夢香

四言

應題 愜邸書畫禪圖

龍樓侍從幸炙河間受戒師孔心齋企顏偶因游藝聊
證坐禪託菩提果於翰墨緣紅花飛雨綠蕉補天鴿硯
淨洗麝煤細研筆落瓊玖紙滿雲煙書之懷素畫之巨
然意蕊秀發智珠光圓深悟妙旨匪存言詮何如大雅

望雲館詩稿

一

福慧雙全清華邸第解詠林泉間中興寄疑米家船三
體通究六法精研莊嚴寶相栩栩神傳是空是色月照

激川

應和 恭邸竹深荷淨圖 用原韻

瞻彼福地迥超埃塵

鶴籟之側

龍池之濱亭亭素蘼森森碧筠有風月主結煙波鄰香
聞露裊影辨山披邈焉高奇骨格嶙峋靜觀自得妙悟
前因惟道是樂滌除貪嗔性潔靡染節直爰伸君子之
德相交以神講習幸侍光霽常親河閒服古寫書留真

東平爲善開閣延賓千載而後又見其人

五古

馮小亭光祿前輩畫梅卷孫駕航同年屬題

作字如其人畫理亦有然嗟哉馮光祿高義凌雲天臨危志不屈完節名斯全茲畫卽寫照神從阿堵傳冰心冷自潔鐵骨瘦更堅古淡出塵表不競凡卉妍展卷三嘆息懷舊涕泗漣墨花萬千點化作碧血薦霜威逼庭隅林月明娟娟清風渺何許負絕孤山巔

沈碑潭

晉武平孫吳驕侈萌奏凱前後若兩人相隔幾何載宮

望雲館詩稿

二

中乘羊車昏迷本志改詒謀南風吹星光闇少海再傳遂大亂九原得毋悔嗟君蠱惑牽臣復名心挽左癖舍道腴貪名勝脯醢澄潭數尺深遺碑今何在

題陳子良比部采菊圖

陶令歸田園采菊東籬旁魏公宋良相亦愛黃花香男兒有傲骨秉正氣自剛隱逸與富貴奚須分軒昂樹立要非易始基宜慎防初節倘有玷晚節焉能芳陳子聞中傑高步超尋常尙友千載上卓哉惟安陽綺歲早騰達隨俗差和光繪圖意有託狀貌何堂堂老圃淡秋色貞姿挺風霜庶幾古之人丰徽相韻頤

題袁丕烈小影

正獻君遠祖吾郡宋大儒道統承象山冠彼楊沈舒
宇屹正學辦香奉海隅巒宮莫俎豆祀典久闕如

純廟特表章題集煥

聖謨謂無門戶見宗陸不異朱惜無請從祀兩廡位方
虛幽光今始發疏入

帝曰俞位居東萊次千秋耀粉榆誰始陳有司議建陳

與徐

謂陳子相大令徐柳泉舍人

亦賴賢嗣多釀金按遺書君習貨

殖計心懷聖人徒述德揚清芬仁孝真忱孚手澤重摩
望鏤版行九區聞風資興起濂洛同範模茲圖寫君貌

望雲館詩稿

三

鶴立標清癯虛心伊可師左右森箴箴兼抱濟物念親
人來禽魚宗仰在前修塵慮自掃除我感君意誠爲君
題茲圖勗君崇明德實地加工夫高瞻是亦樓循循端
步趨永延德門澤勵品珍瓊瑛

七古

醕邸攝疾雜詠題辭

賢王偉畧誰肩儔若濟巨川資作舟經武欲築籌邊樓
灝氣直共香漢浮勞瘁千緒紛相酬觸疹頓患沈疴留
朝

天力祛驅形騶夏日體粟疑霜秋睡夢境界迴不侔寰

瀛御風汗漫遊夢遊彷彿遠行休
歷歷尙記馳星郵調
攝幾經晦朔周屢

賜休沐俾自由郊園清暇舒吟眸
長林走鹿波泛鷗石
泉松濤與耳謀胸襟坦蕩消閒愁
惟念報

國仗前籌努力加餐進馨羞陶情賦詩筆更道佩聲重
來

鳳池頭內贊

廟謨抒壯猷捷書報愜心所求
腹地害去肢懸疣西陲
尙嗟寇氛流亟盼

天戈翦盡萑苻稠益期善養以分

望雲館詩稿

四

宵旰憂

渭河徒枉未成輿夫涉水而過感賦

嗟余久困行路難敝裘襪被趨長安朔風釀雪天陰寒
旅舍前望程漫漫車不得進阻狂瀾役夫需索計狡奸
對此未免長浩嘆嘆此黎庶跋涉艱卽今征軺行蜀山
經歷雲棧千萬盤歸臨渭河愁奔湍危橋中斷如缺環
垂成不修吏太頑巧索行旅河之干鋒車有命始遷延
如鼠黠猾狼貪殘輿夫負涉脚不乾僕馬怯渡泥沾鞍
踉蹌投宿日色闌月光隱隱明層巒嗟哉政壞此一端
守土今誰賢長官

軒睡吟

斗室夜靜聲殷空如雷隱隱濤洶洶是何凌厲勢莫遏
乃有人軒睡其中吾聞至人類龜息沖漠不假脩煉功
一呼一吸象闔闔無聲無臭參鴻濛胡爲處靜轉生動
夢蝶栩栩神難融雖然矜躁未能釋或者剛大尙可充
勉旃旦晝養浩氣逢時傾吐如長虹乘風載響喟咄滿
大宅不作啾啾唧唧吟秋蛩

湯陰謁岳祠

紅爐火烈油煤鬼

浙中以油煤鬼
呼油煤鬼

咬鬼口污抹以紙借此

罵檜祝檜死人心之同若或使報忠武冤寓微旨奸檜

辛雲館詩稿

五

終古永蒙恥尙恨誅檜罪莫抵豈自鐵鑄佞人始吁嗟
乎秦檜固亂臣宋高亦賊子尙知復讎立人紀輕萬乘
如脫屣金牌不召岳家軍唾手燕雲眞易耳奈何小朝
廷甘以偏安止

題方月樵觀察同年陽朔看山圖

桂林山水天下奇夙昔夢想今見之我行纔渡灘江湄
千峯突起森參差玉筍瑤簪當空搯不圖靈境乃有斯
郵程飽看渾忘疲想是造化有意窮殊姿鐫刻萬狀神
工施不然胡爲卓列無際合復離怪石亂疊爭纍纍覽
君此圖彌盍寄扁舟一葉涼風吹嵐翠亂撲蓬窗欲歆蜀

劍閣楚九疑秦仙掌越武彝神秀包孕靡或遺盡日憑
眺支吟頤紙尾自寫看山詩奇觀無數一一工摹追吁
嗟乎嶺外疆域當邊陲名山名藉名賢垂柳州文教傳
今茲伏波助業人猶思惟君清節琴鶴隨山水窟宅供
遨嬉仁風廣被恬且熙瘴霧掃盡融春曦宦迹所經聲
遠馳我當爲君大書摩崖碑高名與山共崔嵬何止尺
幅丹青煙霞披

題鮑花潭學使前輩補竹圖

庚申之歲春夏間澄懷

都中有澄懷園

卜鄰時往還牆頭疊嶂

青數點門外流水綠一灣從容退食恣游覽談笑握手

開心顏君向食筍齋中住坐對修篁檐際環補竹圖成
寄曠快前輩風高足追攀我居數椽僅容膝小琅玕館
亦清閒頗喜平安日日報犢角掀破苔痕斑驚心猝遇
滄桑劫賊目慘覩烽火殷再直

禁近重晤聚公餘輪蹄勞間關但覺軟紅撲塵土安得
叢碧臨潺湲回思園居水木勝渺如海上蓬萊山使星
今喜曜八桂儒風行看振百蠻栽培名節似林立森挺
不數玉筍班瑤琨篠簜盡入貢

袞嘉渥荷

溫綸頌

題徐樹人中丞登岸圖

茫茫人海何無垠誰與淪胥指迷津徐公萬家之生佛
說法現茲宰官心思天下瀾瀾由已欲手援之豈得已
眾生隨我回頭來皆登彼岸大歡喜昔乘飛艘巡臺陽
怒濤拍天嗟汪洋忠信涉險神靈助綠毯燈照紅衣郎
敷政數月紀綱振翦除鯨鯢資坐鎮柏臺遷秩適會垣
片帆更快長風順于今三至南閩中濟川作楫倚任隆
帝命航海速任事十郡竹馬迎兒童舊圖重展記陳迹
舟颺萬頃玻璃碧掀髯一笑登碇岸好談風月娛永夕
誰知公懷誠求心念拯昏墊出水深更思喚醒宦海客
勿再隨波相浮沈

皇雲集詩稿

七

題周觀察舞刀圖

虎頭燕頰飛而食颯爽英姿萬人敵手握巨刃摩天揚
瑯然一聲鳴霹靂先生本是風雅儒文事武備二者俱
服官江左四十載召父杜母民歡呼邇防河渠掌兵律
營前種柳萬株密伊古良將誰頡頏偉畧直與條侯匹
酒酣耳熱意興豪冠戴孔翠衣錦袍毬場觀者立如堵
下馬戲舞青龍刀此刀精似金百鍊洪爐鼓鑄風師煽
出匣一試鬼魅驚煜燭青霜耀紫電畫工寫照工摹追
下筆元氣何淋漓提刀四顧天地窄紙上奔奔森鬚眉

君不見呂虔之刀王覽佩佳兆預卜三公瑞展圖拜首
敬進言綸扉入贊

堯舜治功冠一時名蓋世雲臺麟閣高位置

題薛慰農觀察同年煙雲過眼圖 有序

昔余厲京邸與令兄淮翁結鄰往來至密歲壬

戌余由粵歸省聞淮翁殉於西江閩中不勝悲

悼今春主講會垣君出圖屬題因仿少陵體摘

題椿庭侍讀棣夢談經二幀一以誌失怙之痛

均一以敘懷舊之念切白雲望斷落月夢杳長

歌當哭傷如之何

望雲齋詩稿

入

不於其身於其子積德昌後固如此奈有祿養親不存

未若寡人供菽水重展兒時受讀書一字一滴淚沾紙

嗚呼一歌兮歌痛心手澤摩挲恨共深

河東三鳳翔雲霄仲也於我金石交晨夕過從六七載

同拜

寵命乘星輶悼君忽驚雁行斷嗟我空賦雞鳴膠鳴呼

再歌兮歌轉促傷懷宿草芊芊綠

題臧可園明府雙杖圖

臧侯泣甬甫三月越中郡縣多淪沒寇氛壓境居民空

獨守孤城提疲卒援絕力盡鼓鼙慙慙誓死全臣忠

賊刃亂斫屹不動淋漓血洒征袍紅雖然一死亦何補
天留拯民翦劇虜突墮危堞右脛傷裹瘡復起整隊伍
手扶雙杖蒼虬蟠鞭撻蛇虺俱膽寒伏莽剗盡洗兵甲
心懷歸耕綠野寬巖疆借才資治理未許扁舟返粟里
鴛鴦湖邊鳧鳥飛政成逃聽頌聲起東澗百萬瘡痍氓
競盼重來騎竹迎何當五馬前導拂雙旌或裁豸冠持
節來巡行

錫山道中待雪用聚星堂詠雪韻

風冷日色聲撼葉東南今年未得雪旱久原隰龜坼多
涓涓滄汜流欲絕我坐吳舫揚帆來水程假途頗迂折

望雲館詩稿

九

高目劫後居民稀闌閨第宅半消滅回首昔時繁華場
杳矣真如電光掣破屋都蓋黃茅莖鮮衣罕披紅錦纈
差幸比歲慶屢豐飽餐香秬煮瓊屑關心又近播穀期
晷短駒光駛飄瞥農田急盼祥雲霏望見同雲喜相說
征夫亦祝天公聞敢嫌布衾寒如鐵

貞女行

有序

楊理庵太史以令妹行略見示且爲余言金烈
婦事一則酷罹慘虐晴空雷鳴一則完貞全歸
庭橘俱萎至行動天地如此中懷觸發難已於
言挑燈錄之不覺英光灑氣側出行間矣

象山之峯高插天慈谿之水清且漣吾郡山水號清淑
鍾毓乃在雙嬋娟金烈婦感悅遭狂喉鼎鑊湯沸死靡
他白日隆隆怒雷吼楊貞女繫纓不再許女貞兩紀經
霜凋金橘偕萎卜庭序是何巾幗姿樹立乃爾奇格天
震地信有之吁嗟乎烈婦烈滿腔血彼以激昂全其節
貞女貞片念誠此以堅忍成其名我願告彤史合傳揚
其美媿煞古今依阿泯認夫枉稱七尺鬚眉偉男子

五律

題豫粒民集多寶帖字詩卽集帖字用第一首原

韻

望雲齋詩稿

十

智慧海何窮文章游戲中珍如千字集理妙五言通墨
寶輝今古禪關悟色空光明同舍利欲證法王功

齋居有感

有序

昔元白以詩相唱和別後互相思念其形之於
篇什者不自覺情之一往而深也蓋朋友之樂
亦非易得古人所爲惓惓於此耳余獨居岑寂
昔日文字之交風流雲散追思往事感慨係之
因成五律一首

序已逢春日寒猶迓朔風故人千里隔相憶寸心同草
偶鴉塗戲花難驛使通出門何所訪悶坐小齋中

望華山

昔泛滄溟水

去年是月曾渡海之象山

今瞻太華峰兩遊信奇絕一

覽盪心胸仙掌露凝迴蓮花烟護重何當躡千仞追步

昔賢蹤

衡山舟次

歸棹過衡州風吹水逆流年光催短景雪意冷征裘獨坐書盈篋清談酒一甌懷人望天末尺素寄來不

七律

題馮縵生太親翁生壙

碧城天際鬱葱葱捫葛誰知有路通

土名葛藤棚

指點料應

望雲館詩稿

十一

參郭璞心期端合證司空閒雲縹緲踪停鶴瑞靄繽紛氣吐虹松柏成行欣手植千秋大樹表高風

舟次錫山和王臥山見贈原韻

蕭然行李客中身一路風光尙可人故國梅花千里別他鄉萍梗七年春鄰船投刺欣相識水驛挑鐙話倍親取次好山須飽看卸帆又踏軟紅塵

鳳嶺

嶺高峻似鳳形有額曰去天尺五

千盤危磴接天梯絕頂渾疑碧落齊風定時聞衆流響雲開平視萬山低層巒合沓迎人面亂石巉巖觸馬蹄到此真超塵世外問天奇句許誰題

風陵渡入潼關

波光盪日耀旌旄穩泛中流息怒濤百二關臨秦地險
五千仞峙華峯高畫疆勢並九泥固共濟人思擊柝勞
南國烽煙猶未靖臨風眺望首頻搔

自題望雲小影

簪花歸去博歡顏遠隔庭闈又六年捧

日身常衣

北闕望雲心每繫南天呼兒知比思親切娛老全憑有
弟賢一事差堪慰懸念雙雛喜報畫堂前

蓬萊許住本神仙岵岵遙瞻總惘然濱海幾州遂耕鑿

望雲館詩稿

七

大江何日靖烽煙霜高雁影當峯轉雨重蘿痕補屋牽
遊子心中無限事丹青筆妙可能傳

己未春闈總裁趙蓉舫前輩沈朗亭師以和王衷

白先生韻七律見示敬步原韻

文衡再預荷

恩深時懷

天威咫尺臨指引鵷鴻欣得路栽培桃李會成林也曾
璞向荆門獻昔試禮闈
報罷者三肯使珠從大海沈勉矢虛公襄

校閱壺冰一片勵臣心

和趙又銘同年出都口占原韻

九秋遲放桂枝香拜

命乘輶就道忙十一年前依矮屋七千里外達炎荒相
期學導榕門派敢詔明垂藻鑑光歸路待持毛義檄天
倫樂敘舊山莊

鄴中懷古

亡漢天心莫可回權奸亂世顯雄才周家服事名徒託
晉室清談習已開柳谷有圖呈寶石漳河無地鞏高臺
歸程赤壁扁舟泛縱火還思大將材

預擬粵闈揭曉請假歸省

曠隔晨昏又八年長依北極望南天

望書館詩稿

三

龍樓

日近

恩逾渥

直上齋充
日講官

燕寢雲遙思總牽使節持臨交趾

那歸帆懸指候濤巖綺窗梅萼開應早好映蘭陔彩服
鮮

頻年烽火越連吳岵岵遙瞻曷問途兩浙未全收版籍
四明先已靖萑苻還鄉萬里輕航海望子雙親久倚閭
孝治施仁真浩蕩許容反哺效慈烏

零陵驛疊前韻

重山開闢自何年風景居然別有天館小數椽無壁障

程遙一綫入雲牽梵僧營黥張黃紙蠻女肩薪下翠巔
最愛萬株松樹密釵痕掩映日光鮮

民牧來斯半自吳逢迎鵠立在前途新居廣厦詩吟杜

公館在考棚 舊事投鞭敵破苻 屢被粵賊圍城 高阜周

防餘壁壘孤城生聚盛門閭 四郊遭賊蹂躪 行程半日

旋休憩未聽煙林噪暮鳥

題方年伯母拜濤圖

虔禱精誠格九重丹青筆妙爲形容隄危不蝕蛟宮水
道遠終歸馬鬣封苦雨昔經江畔路慈雲今蔭粵西峰
登堂展拜深欽慕禮法莊嚴仰女宗

望雲館詩稿

古

和楊海琴觀察前輩九日綠天盦詩原韻

徧地風吹鐵騎聲巋然永固此金城微茫帆影波如畫
蔥蒨嵐光雨乍晴訪舊衙齋詩境好留人夜話酒懷清
十年前共京華聚數到知交感易生

龍蛇盤攫駭騰空草聖詩豪勢競雄保障已觀賢守政

登臨還有古人風千年蘚雨指碑石 浯溪有中興頌碑

觀察方脩浯亭諸 勝一角蕉天補梵宮語我明朝舟泊處浯溪亭畔晚霞

紅

煙巒四望怡平臨爲約尋幽次第吟舊雨相逢欣聚首
片雲無奈迫歸心郵程隱隱三千疊別思匆匆葉半林

行矣更求佳句贈詩筒酬答記從今

久思洗甲挽天河莽莽天風發浩歌雄鎮尙多屯虎旅
歸途差喜靖鯨波閭閻生聚何時復將相才猷此地多
治郡應難羈駿足奔騰會看軼跛陀

遊涪溪讀中興頌再疊歸省詩韻

摩厓兀峙萬千年字勢軒昂劔倚天莽莽江山生氣凜
寥寥今古壯懷牽大文已導韓碑體盛業休誇峴首巔
讀罷如看提筆候雨痕化作墨痕鮮

除殘謀略仗孫吳文武由來豈兩途代有專征殄苞蘖
時誰決勝翦萑苻勞心擘畫煩

堯雲館詩稿

五

宵旰滿目瘡痍痛里閭何日紀功辭勒石濡毫健效鼎
扛烏

集中興頌字得七律二首

戎馬東驅大業昌天生名將再興唐六軍安撫除妖孽
萬國歡呼奉帝王歌頌文爲金至寶真書度是鳳高翔
千秋尙有聲容在盛烈長齊日月光

石立天南一柱峰湘江流水判西東前朝鐫刻稱經武
羣賊姦驕事卽戎師直方能將亂定時難斯可見臣忠
我來還學摩厓頌今代誰還有此功

珍珠蘭

琪花瑤草也應輸佳號真宜喚蕊珠波影淺涵開轉媚
露光圓綴望疑無支教綺石玲瓏映養倩金沙細碎鋪
賴爾招涼清夏氣盆池珍重兩三株

壽陳餘山太夫子八十

松筠節概鶴精神卅四年來道貌親癸巳讀書家塾公來訪何梅齋廣文
師是時始獨以躬行昌正學公篤於庸行詹詹言一書
得見公仿呂新吾先生呻吟語粹
然儒者繼雅堂詩集傳播藝林
之言由來良吏屬詩人

呵護能逃劫辛壬間粵匪陷吾郡公已致仕歸避居山
助者賊驚去時中有數賊入公室搜之端坐不動若有神
以為盛德之報著述輝煌早等身
種殆數百萬言公著作二十餘
三徑

久耽松菊好逍遙疑是葛天民

望雲館詩稿

六

賢聲上達

九重天咸豐紀元
薦公後詔薦各省郡縣官恆宜亭向書師
之最末幾師殉節
海內蒼生望翕然短馭誰教窮驥步

己酉公入都引見謁公廡廬詢以近況公曰百姓無
一不愛我者上憲無一愛我者因知公不善逢迎故浮
沈邑宰有年及膺宜亭師薦舉者不時舉者不數年多擢
封疆大吏而公止晉一階遂及時引退則沮之者眾矣
巖疆今未息狼煙近回匪滋擾皆因地方官袒漢民欺
我若在陝當不至有此事蓋公政榮陰尸祝堪千古山
持其平務以德化回民亦愛戴之
民立生祠祀之
枌社歸來已十年益壽何須誇上藥瞻淇但誦
衛詩篇

七排

呈 恭邸

廟謨匡贊重親賢

懋賞桐封世世延

冊命榮頌膺

曠典賓僚慶賀啟華筵
觴飛月榭清暉照拍按
霓裳逸響傳纔聽琅璈
參法曲又看花木到平泉
數峯秀蔚剛排闥
一水淵渟好放船
畫裏樓臺都攬勝
鏡中魚鳥總疑仙
要知公暇閒情寄時懷
居高大任肩憂樂動關天
下計梁園獻賦愧才幹

五絕

萋雲館詩稿

七

湘陰夜泊

湘陰夜泊舟彌望烟雲杳
隔岸有人家一燈熒樹杪

七絕

應和 醕邸指佞草原韻

勁草由來見疾風
亭亭弱植表愚衷
莫言

盛世無奸佞
元愷相期其效忠

應題 醕邸畫扇

平原狡兔太縱橫
陰鷲由來本性成
漫恃經營三窟險

秋高搏擊有蒼鷹

應題 字邸畫蘭冊

紫芽新茁豔韶光
玉立森森壓衆芳
寫出數叢神欲活
恍疑幽室有清香

不須著色自增妍
澹墨痕留數朵鮮
粉本料從何處得
月移花影曲欄邊

胸中養得十分春
潑墨花花葉葉新
尺幅淋漓生意足
靜觀如對素心人

玉葉瓊蕤迥出塵
毫端染得更精神
要知培養功深後
自有芳華發早春

甬江竹枝詞

誰家金石富收藏
萬軸牙籤發古香
賴有城西天一閣

筆雲館詩稿

支

巋然今日魯靈光

上元燈火月明中
寫出

昇平景象工何處
笙歌聲最鬧天妃宮
與水仙宮

青旗一路颺風疏
賣酒家多傍郭居
醅得十洲春釀熟
甕頭小印押雙魚

沿江列肆萬商皆
密密魚鱗屋瓦排
聽得鑼聲敲不住
估船爭泊半邊街

一帶浮橋卧彩虹
江流城北匯城東
桃花渡口春潮急
幅幅風帆入畫中

洋山對對捕魚船
放出南風近午天
莫說此鄉風味好

黃魚賣過墨魚鮮

濱海人家蠣作牆黃茅架屋竹支牀蠟帆潮落魚風起

四壁吹來蛤粉香

題豫粒民集古帖 代集爭坐位帖字

南曹清品仰王裴又作同官奉使來時爲論文欣坐共
一尊還對月明開

魯公書品古今師如意縱橫錯列之自是高才何不可
天然位置極相宜

論古尤深尙友情矜崇非特爲書名其人品比真金貴
一片心香頂禮誠

辛雲館詩稿

九

須菩提少會心人三藏微言見獨真豈是來從眾香國
願參諸佛悟前身

楊太真墓

霓裳空復說繁華颯颯寒林夕照斜遊女不知天寶事
醜容爭取塚前沙

華州道中口號

郵亭鼉鼓報殘更睡著肩輿緩緩行夢醒高原煙未散
一輪紅日樹頭明

留侯辟穀處

辟穀言尋黃石公翛然天外寄冥鴻鄴侯也好神仙說

自古英雄見略同

楊伯起故里

關西夫子大名欽
清白風垂暮夜金
堪繼江都號
儒者烏啼惆悵夕陽沈

窑房

山陝居民多穴山
平定側石驛亦然

無事編茅架木功
鑿山爲屋萬家同
我來幾度窑房宿
陶穴悠然見古風

轎緯

俗呼蝦鬚緯

肩輿就道最輕便
雙緯蝦鬚導向前
卻憶趨程臨水驛
扁舟齊傍柳陰牽

李雲館詩稿

三

題李雲生太守娛親圖

化蜀人歌太守賢
要知治譜有家傳

太守尊甫
艾荄先生

敬亭山

比南山壽餐菊栽松格是仙

畫本披來綠閒紅
承顏笑語樂融融
華胄我亦深孺慕
共說長生似木公

雲生太守閣中畫蘭桂索題

遙憶庭前玉樹枝
晶簾影寫月明時
歸來滿袖天香裊
雛鳳吟聲和阿宜

承家才羨軼羣宜
蘭夢祥還證昔時
寄語秋風花信裏
蟾宮先折最高枝

雲生太守屬題蓮芬觀察畫幀

氤氳金粟月輪邊
勁草含風絢砌前
秋色原同春色好
丹黃錯認豔陽天

惠陵

白帝城邊錦水激
當年先主此龍輿
三分不是偏安業
千載人呼漢帝陵

武侯祠

魚水君臣一德孚
託孤籌策更多紆
惠陵咫尺荒祠冷
魂魄千秋慟鼎湖

浣花草堂

萬里橋西舊草堂
小龕遺像拜詩王
瓣香付與山陰叟

一樣忠君念不忘

薛濤井

舞衫歌袖憶繁華
古井于今尙薛家
十種蠻箋新染出
嫩紅顏色勝桃花

家嚴玉堂花瑞圖蒙同人題詩喜成絕句

鯉庭垂訓述詒謀
舊夢新圖瑞應留
投贈篇篇珠玉富
歸裝勝似鬱林舟

題盧稚仙孝廉小照

玉驄厭踏軟紅塵
頓覺披圖眼界新
載得雙魚向何處

碧桃花放雁湖春

人生對酒快當歌，觴詠留連興若何。
轉笑君家玉川子，吟詩但喜飲茶多。

夢中得一絕句

干林色褪幾多般，昨夜霜華已釀寒。
獨有猩紅逾燦爛，亭亭牆下矮雞冠。

挽宋仲穆學博殉難壽昌

慷慨何如死最難，成仁取義志先端。
能將孔孟遺書踐，此職真宜任學官。

自誓城亡必與亡，特留正氣植綱常。
昔時曾讀梅花賦，

望雲館詩稿

五

今日方知鐵石腸

守令誰爲守土臣，將逃兵潰令難申。
豈知罵賊捐軀者，乃在臯比座上人。

粵西江右逆氛張，就義從容有二王。
後死如公死更烈，

天教奇節壯吾鄉

王琴仙太守本梧州王秋植
司馬叔元先殉粵賊之難

襄城經李元禮墓

漢家黨錮徧朝紳，屹立龍門禍有因。
翻羨冥冥肥遯者，高飛早謝弋鴻人。

穎封人祠

小人有母羹須遺，說感莊公味最饒。
骨肉之間調護早，

要言原不待脣焦

左氏才華信素臣發揮忠孝性情真淋漓大筆篇端揭
解讀遺經有幾人

博望驛

貫月槎浮冷素秋支機石竟贈牽牛漢皇也宴西王母
神異休誇博望侯

武陵舟中

近水人家半是漁桑麻雞犬好田廬扁舟小住神仙境
幾處星馳急羽書

題薛慰農觀察秋闈步月圖

望雲館詩稿

五

萬丈光芒射斗牛莊嚴七寶起瓊樓同治乙丑重修
浙闈君董其役

香滿院飄金粟天上人間共此秋

檐帷兩載駐西湖爲政風流羨白蘇欲話此心誰許證

當空明月一輪孤

題薛慰農觀察紅樹青山無限詩圖

管領湖山本逸才清遊一幅畫圖開登高何減毘陵興
霜葉煙嵐入望來

秋風何事引歸心紅樹鱸魚託醉吟知否蒼生待霖雨

閒雲休戀碧山岑君出闈卽以病辭官
民懷其德感切去思

題嚴貳尹桑榆跋涉圖

兩鬢蕭蕭氣不磨一肩行李渺關河雄心傳出丹青筆
矍鑠奚輸馬伏波

長途風雪馬蹏驕笑指滇南萬里遙所至應追良吏蹟
好聞來暮徧輿謠

由月河渡揚子江

天風送我過長江帆飽無須櫂劃雙好掩篷窗敲枕卧
但聽船底水淙淙

整衣起坐日輪高似鏡波平息怒濤遙想焦山山裏寺
依然金碧隱江皋

金山已
被威燬

題李春樵別駕漁隱圖

望雲館詩稿

三

游行自在向中流意釣無妨用直鉤誰領此閒真樂趣
忘機終日對閒鷗

題鄧晉占大令夢遊雪竇圖

飄然詩夢訪山靈涌出芙蓉萬朶青謝屐未曾攀陟處
奇峯都是臥遊經

我昔山行入剡中雲生腳底躡空濛披圖勝境疑重到
歷歷前因記雪鴻

六言

題方月樵同年小照

躡足瀾漫雲氣舉目蒼莽塵埃炎歎正待霖雨須臾灑

盈九垓

達人處世淡泊喬木參天老成涸寒風雪交作屹然一柱能擎

詩餘

浪淘沙

題張漁汀釣月圖小照

湖水碧粼粼影漾青蘋澄澈底見游鱗好是月明風定後有客垂綸
仙境滌紅塵快寄吟身丹青畫出景中人此去桃源應不遠休問迷津

西江月

題張溪蘅水石圖小照

水澹真堪爲友石貞偏可論交流連清景不曾拋掃卻紅塵煩惱
洗耳枕惟孫楚呼兄拜有元章更參樂趣好徜徉神契山梁川上

筆雲館詩稿

三

右望雲館文稿一卷詩稿一卷 先大夫佚存作也

先大夫自幼承 大父之訓矩步繩趨弗敢失墜及長益究心性理之學上自濂洛下迄元明儒先粹言罔弗審其異同務求至當而尤躬行實踐不尙空言暇則綜覽宋賢事實輒心嚮往之偶或著爲吟詠發乎性情不假雕琢卽爲人作書每自謏格言以寓書紳銘座之意

疊膺

簡命視學大邦衡文鄉會竣試與諸生相見必以先行後文爲勗其自勉勉人如此至於文章詞翰之末則未嘗矜意以期傳世故隨作隨佚存焉者寡猶幸 先叔

跋

父渠卿公於叢篋中揆而輯之得文與詩各若干篇顏曰望雲館者集中有自題望雲小影詩蓋客中思親之作因以名館而題其集焉憶 先大夫自同治十年服闋晉都翰才八齡征輶一去瞻望莫及迨提學廣東以光緒元年卒於廉州行館時伯兄已前卒仲兄與四弟復相繼凋喪摩挲手澤篇帙僅存恐日久散失因與五弟涇六弟潢校對付梓并誌數語於簡末

光緒十四年孟春月 男廷翰謹啟

